

四庫全書

史部

欽定四庫全書

尚史卷十

世家三

鑲白旗漢軍李鎔撰

晉世家中

始成王元年終烈王二年凡七百四十二年傳三十八世

唐叔虞 晉侯 武侯 成侯 厲侯 靖侯

釐侯 獻侯 穆侯

附 殤叔

文侯 昭侯 孝侯

曲沃桓叔

唐叔虞者姓姬氏字子于武王子母曰邑姜

左傳邑姜方娠大叔

初武王與邑姜會時夢天謂武王曰余命女生子名虞
余與之唐及生子文在其手曰虞故遂命之曰虞武王
崩成王立唐有亂

左傳成王時唐人作亂成王滅之而封大叔

周公誅滅唐成王與叔虞戲削桐葉為珪以與叔虞曰
以此封若史佚因請擇日立叔虞成王曰吾與之戲耳
史佚曰天子無戲言言則史書之禮成之樂歌之于是

遂封叔虞于唐

呂氏春秋說苑並以史佚作周公

唐在河汾之東方百里故曰唐叔虞唐叔子燮是為晉侯

國都城記叔虞之子燮父徙居晉水傍改號曰晉
晉侯子寧族是為武侯

系本作曼期古史考作曼旗

武侯之子服人是為成侯成侯子福

系本作輻

是為厲侯厲侯之子宜臼是為靖侯靖侯已來年紀可
推自唐叔至厲侯五世無其年數靖侯元年當厲王二
十一年

按自成王元年至厲王二十年計二百五十七年而
晉系載五代恐誤當必有脫漏

十七年厲王迷惑暴虐國人作亂王出奔彘大臣行政
故曰共和十八年靖侯薨子釐侯司徒即位釐侯十四

年宣王初立十八年釐侯薨子獻侯籍即位

系本古史考並作蘇

十一年獻侯薨子穆侯費王即位

鄒誕本作弗生或作潰王

穆侯四年取齊女姜氏為夫人七年伐條生太子仇十年伐千畝有功生少子名曰成師師服曰異哉君之命子也適庶名反逆晉其能毋亂乎二十七年穆侯薨弟殤叔自立太子仇出奔殤叔三年宣王崩幽王立四年

天子仇率其徒襲殤叔而立是為文侯

史記

文侯十年申

侯與犬戎殺幽王文侯與衛武公迎太子宜曰立之是為平王平王乃以文侯為方伯錫桓鬯圭瓚作文侯之

命

書傳

王若曰父義和丕顯文武克慎明德昭升于上敷

聞在下惟時上帝集厥命于文王亦惟先正克左右昭事厥辟越小大謀猷罔不率從肆先祖懷在位嗚呼閔予小子嗣造天丕愆殄資澤于下民侵戎我國家純既我御事罔或者壽俊在厥服予則罔克曰惟祖惟父其

伊恤朕躬嗚呼有績予一人永綏在位父義和汝克紹
乃顯祖汝肇刑文武用會紹乃辟追孝于前文人汝多
修扞我于艱若汝予嘉王曰父義和其歸視爾師寧爾
邦用賚爾秬鬯一卣彤弓一彤矢百盧弓一盧矢百馬
四匹父往哉柔遠能邇惠康小民無荒寧簡恤爾都用
成爾顯德

尚書

三十五年文侯薨子昭侯伯即位昭侯元

年封文侯弟成師于曲沃曲沃邑大于翼翼晉侯都邑
也成師封曲沃號為桓叔桓叔是時年五十八矣好德

晉國之衆皆附焉君子曰晉之亂其在曲沃矣未大于本而得民心不亂何待七年晉大臣潘父弑其君昭侯而迎曲沃桓叔桓叔欲入晉晉人發兵攻桓叔桓叔敗還歸曲沃晉人共立昭侯子平為君是為孝侯誅潘父左傳惠之三十年潘父弑昭侯是昭侯在位七年與世家同年表作六年今遵世家

孝侯七年曲沃桓叔卒子鯀代立是為曲沃莊伯

史記十

五年曲沃莊伯伐翼弑孝侯

表作十六年

翼人立其弟鄂侯

左傳

鄂侯

以下入春秋

哀侯

小子侯

晉侯緡

曲沃

莊伯

武公

鄂侯名郤

系本作郤他本作都

孝侯弟

史記世家作孝侯子

鄂侯二年魯隱公初立四年

隱三年

平王崩桓王立六年

隱五年

曲沃莊伯以鄭人邢人伐翼王使尹氏武氏助之鄂侯奔隨是年秋曲沃叛王王命虢公伐曲沃而立鄂侯子哀侯于翼明年翼九宗五正

九宗一姓為九族五正五官之長

頃父之子嘉父逆晉侯于隨納諸鄂晉人謂之鄂侯

左傳

紀年鄂侯五年十月莊伯以曲沃叛伐翼公子萬救翼荀叔軫追之至于家谷翼侯焚曲沃之禾而還翼

侯伐曲沃大捷武公請成于翼至相而還又曰六年
王使虢公伐晉之曲沃晉鄂侯卒曲沃莊伯復伐晉
立鄂侯子光是為哀侯公子萬救翼荀叔軫追之至
于家谷史世家鄂侯六年卒曲沃莊伯乃興兵伐晉
周平王使虢公伐莊伯莊伯走保曲沃晉人立鄂侯
子光是為哀侯 按傳哀侯立于翼鄂侯立于鄂是
父子分立非鄂侯卒而後哀侯立也又鄂侯六年為
桓王二年作平王亦誤

鄂侯七年

紀年史世家並曰鄂侯六年卒 按傳隱六年嘉父

納諸鄂謂之鄂侯隱六年是鄂侯七年也傳雖不書

鄂侯卒年以哀侯考之蓋哀侯立于隱五年至隱六

年鄂侯卒而後稱元也

哀侯之元年也哀侯二年

隱七年

曲沃莊伯卒子稱代立

是為曲沃武公

史記

紀年哀侯二年曲沃莊伯卒子稱立是為武公尚一

軍三年荀人董伯皆叛曲沃

哀侯既立侵陘庭之田陘庭南鄙啟曲沃伐翼

史世家在哀侯八年

九年

桓三年

曲沃武公伐翼次于陘庭韓萬御戎梁弘為

右逐哀侯于汾隰驂絰而止夜獲之及欒賓

左傳

晉人乃

立哀侯子小子為君是為小子侯小子侯元年

桓四年

曲

沃武公使韓萬殺哀侯曲沃益強晉無如之何

史記

四年

桓七年

曲沃武公誘晉小子侯殺之

紀年曲沃滅荀以其地賜大夫原氏黯是為荀叔

明年滅翼冬王命虢仲立哀侯之弟緡于晉晉侯緡二

年

桓九年

虢仲芮伯梁伯荀侯賈伯伐曲沃

左傳

紀年晉侯緡九年曲沃尚一軍異于晉

八年

桓十五年

桓王崩莊王立二十三年

莊十二年

莊王崩僖王

立二十七年

莊十六年

曲沃武公伐晉侯緡滅之盡以其寶

器賂獻于僖王王命曲沃武公以一軍為晉侯列為諸

侯于是盡併晉地而有之曲沃武公已即位三十七年

更號曰晉武公晉武公始都晉國前即位通年三十八年自桓叔初封曲沃以至武公滅晉凡六十七歲而卒代晉為諸侯武公代晉二年卒在位三十九年子獻公

詭諸嗣

史記

獻公

獻公名詭諸曲沃武公子也武公卒獻公即位是年僖

王崩惠王立獻公元年

莊十年

春公及虢公朝王王饗醴

命之宥皆賜玉五穀馬三匹

左傳

五年

莊二十二年

伐驪戎得驪姬驪姬弟俱愛幸之

史記

六年

莊二十三年

晉桓莊之族偪公患之士為曰去富

子則羣公子可謀也已公曰爾試其事士為與羣公子

謀譖富子而去之明年士為又與羣公子謀使殺游氏之

二子八年

莊二十五年

晉士為使羣公子盡殺游氏之族乃

城聚而處之冬公圍聚盡殺羣公子九年

莊二十六年

士為

為大司空夏士為城絳以深其宮

史世家士為說公曰故晉之羣公子多不誅亂且起

乃使盡殺諸公子而城聚都之命曰絳 按史以桓
莊之族為故晉公子又以聚為絳並誤

秋虢人侵我冬虢人又侵我

史記世家羣公子亡奔虢虢以其故再伐晉弗克

十年

莊二十七年

公將伐虢士為曰不可虢公驕必棄其民

無衆而後伐之初公烝于齊姜生大子申生又娶二女
于戎大戎狐姬生重耳小戎子生夷吾晉伐驪戎以驪
姬歸生奚齊其娣生卓子驪姬嬖欲立其子賂外嬖

梁五與東闕嬖五使言于公曰曲沃君之宗也蒲與
二屈君之疆也不可以無主若使大子主曲沃重耳
夷吾主蒲與屈可以威民而懼戎且旌君伐公說十
一年莊二十八年夏使大子居曲沃重耳居蒲城夷吾居
屈羣公子皆鄙唯二姬之子在絳十六年閔元年作二
軍

按周制大國三軍次國二軍小國一軍晉本大國自
前僖王命曲沃伯以一軍為晉侯遂從小國之制

公將上軍大子申生將下軍趙夙御戎畢萬為右以滅耿滅霍滅魏還為大子城曲沃賜趙夙耿畢萬魏以為大夫士蒍曰大子不得立矣分之都城而位以卿先為之極又焉得立十七年

閏二年

冬十二月公使大子申生

伐東山臯落氏里克諫公曰寡人有子未知其誰立焉

十九年

僖二年

使荀息假道于虞以伐虢虞公許之夏里

克荀息帥師會虞師伐虢滅下陽二十一年

僖四年

驪姬

謂大子曰君夢齊姜必速祭之大子祭于曲沃歸胙于

公公田姬寘諸宮六日公至毒而獻之公祭之地地墳
與犬斃與小臣小臣亦斃姬泣曰賊由太子太子奔
新城公殺其傅杜原款冬十二月申生縊于新城姬遂
譖二公子曰皆知之重耳奔蒲夷吾奔屈二十二年

僖五

年公使寺人披伐蒲重耳奔翟秋晉復假道于虞伐虢
八月圍上陽冬十二月晉滅虢虢公醜奔京師

紀年十九年會虞師伐虢虢公醜奔衛

師還館于虞遂襲虞滅之執虞公

韓非子獻公欲伐虞遺之屈產之乘垂棘之璧女樂六以榮其意而亂其政

二十三年

僖六年

公使賈華伐屈夷吾不能守奔梁二十

五年

僖八年

閏月惠王崩襄王立

按惠王實以七年閏月崩襄王懼叔帶之難至八年定位而後發喪

初里克敗狄于采桑夏狄伐我報采桑之役也二十六年

僖九年

夏公將會諸侯于葵邱遇周宰孔曰可無會齊侯

不務德而勤遠畧公乃還秋九月公薨里克平鄭以三公子之徒作亂冬十月里克殺奚齊于次荀息立公子卓以葬十一月里克殺公子卓于朝荀息死之齊侯以諸侯之師伐我及高梁而還齊隰朋帥師會秦師納公子夷吾左傳

公在位二十六年謚曰獻

惠公 懷公

惠公名夷吾獻公之子也驪姬之亂夷吾奔梁曰梁近

秦而幸焉及獻公薨夷吾重賄秦以求入惠公元年

傳十

年夏四月周公忌父王子黨會齊隰朋立夷吾是為惠

公公殺里克以說于是平鄭聘于秦且謝緩賂故不及
公改葬共太子秋狐突適下國遇太子告之曰夷吾無
禮余得請于帝矣將以晉畀秦秦將祀余對曰神不歆
非類民不祀非族君祀無乃殄乎君曰諾吾將復請七
日新城西偏將有巫者而見我焉及期往告之曰帝許
我罰有罪矣敝于韓平鄭如秦請納重耳遂殺平鄭祁

舉及七輿大夫平豹

平鄭子

奔秦二年

僖十二年

王使召武公

內史過賜公命夏戎伐京師秦晉伐戎以救周秋公平

戎于王四年

僖十三年

冬晉薦饑乞糴于秦秦輸粟于晉自

雍及絳相繼五年

僖十四年

秋八月沙鹿崩冬秦饑乞糴于

晉晉人弗與公之入也秦穆姬

申生姊秦穆夫人

屬賈君焉

獻公次妃賈女也

且曰盡納羣公子公烝于賈君又不納羣公子是以穆姬怨之公許賂中大夫

里平等

既而皆背之賂秦伯以河外列城五東盡虢畧南及華山內及解梁城既而不與晉饑秦輸之粟秦饑晉閉之

糴六年

僖十五年

秋秦伯伐我公謂慶鄭曰寇深矣若之何

對曰君實深之可若何公曰不孫卜右慶鄭吉弗使步揚御戎家僕徒為右公逆秦師使韓簡視師復曰師少

于我鬪士倍我公曰何故對曰出因其資入用其寵饑食其粟三施而無報是以來也今又擊之我怠秦奮倍猶未也公曰一夫不可狃況國乎遂使請戰曰寡人不佞能合其衆而不能離也君若不還無所逃命秦伯使公孫枝對曰君之未入寡人懼之入而未定列猶吾憂也苟列定矣敢不承命韓簡退曰吾幸而得囚戰于韓原晉戎馬還潯而止公號慶鄭鄭曰愼諫違卜固敗是求又何逃焉遂去之梁由靡御韓簡虢射為右輅秦伯

將止之鄭以救公誤之遂失秦伯秦獲公以歸晉大夫
反首拔舍

反垂頭髮拔草舍止

從之秦伯使辭焉曰二三子何其感也寡人之從君而
西也亦晉之妖夢是踐豈敢以至晉大夫三拜稽首曰
君履后土而戴皇天皇天后土實聞君之言羣臣敢在
下風穆姬聞晉侯將至以太子瑩弘與女簡璧登臺而
履薪焉使以免服衰絰逆乃舍諸靈臺大夫請以入公

曰獲晉侯以厚歸也既而喪歸焉用之大夫其何有焉
且晉人感憂以重我天地以要我不圖晉憂重其怒也
我食吾言背天地也重怒難任背天不祥必歸晉君乃
許晉平公使卻乞告瑕呂飴甥且召之飴甥教之言曰
朝國人而以君命賞且告之曰孤雖歸辱社稷矣其卜
貳圉也衆皆哭晉于是乎作爰田

分公田之稅應入公者爰之于所賞之衆爰易也

飴甥曰君亡之不恤而羣臣是憂惠之至也將若君何

衆曰何為而可對曰征繕以輔孺子衆說晉于是乎作
州兵十月飴甥會秦伯盟于王城秦改館公饋七牢十
一月公歸殺慶鄭而後入是歲晉又饑秦伯又餽之粟
曰吾怨其君而矜其民于是秦始征晉河東置官司焉
即河外列城五始歸之秦也

七年僖十年秋狄侵我取狐厨受鐸涉汾及昆都八年僖十年

七年天子圍為質于秦秦歸河東而妻之十三年僖二十年

天子圍逃歸十四年僖二十三年秋九月公薨子圉立是為

懷公明年秦納重耳殺懷公于高梁

左傳

公在位十四年謚曰惠懷公在位一年謚曰懷

文公

文公名重耳獻公子狄女狐姬之所生也獻公十三年

以驪姬故公子重耳備蒲城守秦

史記

及難作晉人伐諸蒲城蒲城人欲戰公子不可曰保君

父之命而享其生祿于是乎得有人有人而校罪莫大焉

吾其奔也遂奔狄從者狐偃趙衰顓頊魏犢胥臣

左傳

史記重耳少好士年十七有賢士五人曰趙衰狐偃
賈佗先軫魏武子自獻公為太子時重耳固已成人
矣獻公即位重耳年二十一獻公十三年以驪姬故
重耳備蒲城守秦二十一年殺大子申生驪姬讒之
恐不辭獻公而守蒲城二十二年獻公使宦者履鞮
趣殺重耳重耳遂奔狄狄其母國也是時重耳年四
十三從此五士其餘不名者數十人

居狄五歲獻公薨里克殺奚齊卓子使人迎立公子公

子畏殺固謝不敢入晉更迎夷吾立之是為惠公惠公使殺公子公子適齊居狄凡十二年而去

史記

過衛衛文公禮焉字麗乞食于野人野人與之塊公子怒欲鞭之狐偃曰天賜也稽首受而載之及齊齊桓公妻之有馬二十乘公子安之從者以為不可姜氏與狐偃謀醉而遣之醒以戈逐狐偃及曹曹共公聞其駢脅欲觀其裸浴薄而觀之僖負羈

曹大夫

之妻曰晉公子必反

其國子盍蚤自貳焉乃饋盤飧寘璧焉公子受飧反壁

及宋宋襄公贈之以馬二十乘及鄭鄭文公亦不禮焉
叔詹諫弗聽及楚楚成王饗之曰公子若反晉國則何
以報不穀對曰子女玉帛則君有之羽毛齒革則君地
生焉其波及晉國者君之餘也其何以報君曰雖然何
以報我對曰若以君之靈得反晉國晉楚治兵過于中
原其辟君三舍若不獲命其左執鞭弭右屬橐鞬以與
君周旋得臣楚大請殺之成王不可乃送諸秦

史記居楚數月晉大子圉亡秦秦怨之聞重耳在楚

乃召之成王曰楚遠更數國乃至晉秦晉接境子其勉行

秦穆公納女五人懷嬴與焉

子圉妻

他日公享之狐偃曰

吾不如衰之文也請使衰從公子賦河水公賦六月趙

衰曰重耳拜賜公子降拜稽首公降一級而辭焉衰曰

君稱所以佐天子者命重耳重耳敢不拜文公元年

僖二

十四年春正月秦穆公納公子濟河圍令狐入桑泉取白

表二月甲午晉師軍于廬柳穆公使公子繫如晉師師

退軍于郇辛丑狐偃及秦晉之大夫盟于郇壬寅公子入于晉師丙午入于曲沃丁未朝于武宮戊申使殺懷公于高梁

史世家重耳出亡凡十九歲而得入時年六十二矣
晉人多附焉

呂甥卻芮

惠公舊臣

畏偪將焚公宮而弑公寺人披

史作履覲請

見以難告三月公潛會秦穆公于王城己丑晦公宮火呂甥卻芮不獲公乃如河上穆公誘而殺之公逆夫人

嬴氏以歸穆公送衛于晉三千人實紀綱之僕

左傳公屬

百官賦職任功棄責薄歛施舍分寡輕闕易道通商寬
農省用足財利器明德以厚民性舉善援能官方定物
正名育類昭舊族愛親戚明賢良尊貴寵賞功勞事耆
老禮賓旅友舊故胥籍狐箕藥卻伯先羊舌董韓實掌
近官諸姬之良掌其中官異姓之能掌其遠官公食貢
大夫食邑士食田庶人食力工商食官阜隸食職官宰
食加

官宰家臣加大夫之家田也

政平民阜財用不匱襄王使大宰文公及內史興賜公命上卿逆于境公郊勞館諸宗廟饋九牢設庭燎及期命于武宮設桑主布几筵大宰涖之公端委以入大宰以王命命冕服大史贊之三命而後即冕服既畢賓饗贈餞如公命侯伯之禮而加之以宴好內史興歸以告

王曰晉不可不善也其君必霸逆王命敬奉禮義成王

其善之

國語

是年秋叔帶以狄師攻王王出適鄭處于汜

叔帶居溫二年

僖二十五年

春秦穆公師于河上將納王孤

偃言于公曰求諸侯莫如勤王諸侯信之且大義也公使卜之吉筮之又吉乃辭秦師而下三月次于陽樊右師圍溫左師逆王夏四月王入于王城取叔帶于溫殺之公朝王王饗禮命之宥

設醴酒又加之幣帛以助勤宥助也

請隧

闕地通路曰隧王之葬禮也諸侯皆縣柩而下

弗許曰王章也與之陽樊溫原攢茅之田晉于是始啟

南陽陽樊不服圍之出其民秋及秦師伐都秦楚間冬

小國

圍原命三日之糧原不降命去之退一舍而原降遷原

貫于冀趙衰為原大夫狐溱為溫大夫冬楚人伐宋圍

溱四年

僖二十七年

冬楚人及陳蔡鄭許圍宋宋使來告急

先軫曰報施救患取威定霸于是乎在矣狐偃曰楚始

得曹而新昏于衛若伐曹衛楚必救之則齊宋免矣于

是乎蒐于被廬作三軍謀元帥趙衰曰卻縠可乃使卻

穀將中軍卻臻佐之使狐偃將上軍讓于狐毛而佐之

命趙衰為卿讓于欒枝先軫佐之荀林父御戎魏犢為

右五年

僖二十八年

春伐曹假道于衛衛弗許還自河南濟

侵曹伐衛取五鹿二月卻穀卒先軫將中軍胥臣佐下

軍公及齊侯盟于斂孟衛侯請盟弗許國人出其君以

說于我公圍曹門焉多死曹人尸諸城上公患之聽輿

人之謀曰稱舍于墓

為將發冢

師遷焉曹人兇懼為其所得

者棺而出之因其兇也而攻之三月入曹數之以其不

用僖負羈而乘軒者三百人且令無入僖負羈之宮而
免其族報施也魏犇顓頊燕僖負羈氏公愛魏犇材舍
之殺顓頊以徇于師立舟之僑以為戎右宋使來告急
公曰宋人告急舍之則絕告楚不許我欲戰矣齊秦未
可若之何先軫曰使宋舍我而賂齊秦藉之告楚我執
曹君而分曹衛之田以賜宋人楚愛曹衛必不許也喜
賂怒頑能無戰乎公從之楚成王入居于申使申叔去
穀使得臣去宋曰無從晉師得臣請戰王怒少與之師

唯西廣東宮與若敖之六卒實從之得臣使宛春

楚大夫

告于我師曰請復衛侯而封曹臣亦釋宋之圍狐偃曰
子玉無禮哉君取一臣取二不可失矣先軫曰子與之
定人之謂禮楚一言而定三國我一言而亡之我則無
禮何以戰乎不如私許復曹衛以攜之執宛春以怒楚
既戰而後圖之公從之得臣怒從我師我師退三舍楚
衆欲止得臣不可夏四月公次于城濮楚師背鄢而舍
公患之聽輿人之誦曰原田每每舍其舊而新是謀公

疑焉狐偃曰戰也戰而捷必得諸侯若其不捷表裏山河必無害也公曰若楚惠何欒枝曰漢陽諸姬楚實盡之思小惠而忘大恥不如戰也公夢與楚子博楚子伏己而監其腦是以懼狐偃曰吉我得天楚伏其罪吾且柔之矣得臣使鬬勃請戰公使欒枝對曰寡君聞命矣楚君之惠未之敢忘是以此為大夫退其敢當君乎既不獲命矣敢煩大夫謂二三子戒爾車乘敬爾君事詰朝將見晉車七百乘韃韃鞅鞅

金史卷之八
卷十
在背曰韃在胸曰勒在腹曰鞅在後曰鞞一云著掖
皮曰韃韃曰勒頸皮曰鞅鞅曰鞞

公登有莘之虛以觀師曰少長有禮其可用也遂伐其
木以益其兵己巳晉師陳于莘北胥臣以下軍之佐當
陳蔡得臣以若敖之六卒將中軍曰今日必無晉矣鬬
宜申將左鬬勃將右胥臣蒙馬以虎皮先犯陳蔡陳蔡
奔楚右師潰狐毛設二旆而退之欒枝使與曳柴而偽
遁楚師馳之先軫卻縠以中軍公族橫擊之狐毛狐偃

以上軍夾攻鬬宜申楚左師潰楚師敗績得臣收其卒而止故不敗晉師三日館穀及癸酉而還至于衡雍作王宮于踐土鄭伯為楚師既敗懼行成于我欒枝入盟鄭伯五月公及鄭伯盟于衡雍獻楚俘于王駟介百乘徒兵千鄭伯傅王用平禮也

用平王享晉文侯仇之禮史世家周作晉文侯命王若曰父義和丕顯文武能慎明德昭登于上布聞在下維時上帝集厥命于文武恤朕身繼予一人永在

其位于是晉文公稱伯史記誤

王享醴命公宥王命尹氏及王子虎內史叔興父策命
公為侯伯賜之大輅之服戎輅之服彤弓一彤矢百旅
弓矢千鉅鬯一卣虎賁三百人曰王謂叔父敬服王命
以綏四國糾逖王慝公三辭從命曰重耳敢再拜稽首
奉揚天子之丕顯休命受策以出出入三覲衛侯聞楚
師敗懼出奔使元咺衛大夫奉叔武衛侯弟以受盟王子虎
盟諸侯于王庭曰皆獎王室無相害也有渝此盟明神

殛之

說苑公合諸侯而盟曰吾聞國之昏不由聲色必由
姦利好樂聲色者淫也貪姦者惑也夫淫惑之國不
亡必殘自今以來無以美妾疑妻無以聲色妨正無
以姦情害公無以貨利示下其有之者是謂伐其根
素流于華葉若此者有患無憂有寇勿弭不如言者
盟示之

楚得臣歸及連穀而死公聞之而後喜可知也曰莫余

毒也已為呂臣實為令尹奉已而已不在民矣

史記世家晉焚楚軍火數日不息公歎左右曰勝楚而君猶憂何公曰吾聞能戰勝安者唯聖人是以懼且子玉猶在庸可喜乎子玉歸自殺公曰我擊其外楚擊其內內外相應于是乃喜說苑晉文公與楚人戰大勝之燒其軍火三日不滅文公退而有憂色侍者曰君有憂色何也公曰戰勝而安者唯聖人乎若夫詐勝之徒未嘗不危也吾是以憂

六月復衛侯城濮之戰晉中軍風于澤

牛馬因風而走皆失之

亡大旆之左旃祁瞞干命司馬殺之以徇于諸侯師還
濟河舟之僞先歸秋七月振旅愷以入于晉獻俘授馘
飲至大賞徵會討貳殺舟之僞以徇于國民于是大服
史記世家晉侯歸國行賞狐偃為首或曰城濮之戰
先軫之謀公曰城濮之事偃說我毋失信先軫曰軍
事勝為右吾用之以勝然此一時之說偃言萬世之

功奈何以一時之利而加萬世功呂氏春秋文公將
戰于城濮召咎犯而問曰楚衆我寡奈何對曰臣聞
繁禮之君不足于文繁戰之君不足于詐君亦詐之
而已公告雍季雍季曰竭澤而漁豈不獲得而明年
無魚焚藪而田豈不獲得而明年無獸詐偽之道雖
今偷可後將無復非長術也公用咎犯之言敗楚反
而為賞雍季在上左右曰城濮之功咎犯之謀君用
其言而賞後其身或者不可乎公曰雍季之言百世

之利咎犯之言一時之務也焉有一時之務先百世之利者乎韓非子同

冬公及諸侯會于溫執衛侯歸之于京師是會也公召王以諸侯見且使王狩仲尼曰以臣召君不可以訓故書曰天王狩于河陽諸侯圍許公有疾曹伯之豎侯孺貨筮史使曰以曹為解公復曹伯遂會諸侯圍許公作三行以禦狄荀林父將中行屠擊將右行先蔑將左行六年僖二十九年夏狐偃會周王子虎魯公及諸侯之大夫

盟于翟泉

尋踐土盟且謀伐鄭

七年

僖三
十年

春侵鄭公酈衛侯不死納王于王與公皆

十穀乃釋衛侯秋九月公及秦伯圍鄭秦伯與鄭盟

而還公亦去之冬魯公子遂初來聘八年

僖三十
一年

春分

魯濟西田

曹地
也

魯公子遂來聘秋蒐于清原作五軍以

禦狄

晉作三行今罷之更為上下新軍

趙衰為卿九年

傳三十
二年

春楚請平使陽處父報之晉楚

始通冬公薨

左傳

謚曰文在位九年公大布之衣牂羊之裘韋以帶劍威
立于海內昔齊桓公合諸侯以乘車退誅于國以斧鉞
文公合諸侯以革車退行于國以禮義桓公前柔而後
剛文公前剛而後柔然而令行天下權制諸侯鈞者審
于勢之變也

淮南子

韓非子文公伐宋乃先宣言曰吾聞宋君無道侮蔑

長老分財不中教令不信余來為民誅之說苑文公
伐衛入郭坐士令食曰今日必得大垣公子慮俛而
笑公曰奚笑對曰臣之妻歸臣送之反見桑者而助
之顧臣之妻則亦有送之者矣公懼還師而貉人攻
其地列子作公子鋤 伐宋事傳不載伐衛遂伐曹
亦無還師事說並誣說苑大功之効在于用賢積道
衰滅之過在于得意而怠晉文公是其効也文公出
亡修道不休得至于饗國于是任咎犯先軫陽處父

畜愛百姓厲養戎士政治內定則舉兵伐衛執曹伯
敗強楚率諸侯而朝天子天下平定周室尊顯故曰
大功之効在于用賢積道文公霸功立期至意得一
年用三師進而圍許兵弊不服罷諸侯而歸自此怠
政事狄泉之盟不親至威武詘折諸侯不朝鄭叛狄
侵衛遷帝邱故曰衰滅之過在于得意而怠新序文
公出獵前驅曰前有大蛇高如隄阻道竟之公曰寡
人有過天以戒寡人還車而反前驅曰臣聞之喜者

無賞怒者無刑今禍福已在前矣不可變何不遂驅之公曰不然夫神不勝道妖不勝德禍福未發猶可化也還車反宿齋三日請于廟曰孤少犧不肥幣不厚罪一弋獵無度罪二多賦歛重刑罰罪三請自今闕市無征澤梁無賦赦罪人舊田半稅新田不稅行令未半旬守地吏夢天帝殺地發夢地腐矣謁之公曰然神果不勝道妖亦不勝德應之以德而已按文公他事殊夥具散見諸傳中

襄公

襄公名驪文公子文公薨襄公即位元年

僖三十三年

春秦

襲鄭滅滑而還公發命興姜戎公墨衰經

文公未葬以凶服從戎故墨染其衰而加經

夏四月敗秦師于殽獲百里孟明視西乞術白乙丙以

歸遂墨以葬文公晉于是始墨文嬴請三帥使歸就戮

公許之秋狄伐我及箕八月公敗狄于箕卻缺獲白狄

子先軫死之冬及陳鄭伐許

討其貳于楚也

陽處父侵蔡

蔡即楚故

楚鬬勃救之我師歸文公之季年衛

成公不朝我而侵鄭二年

文元年

夏四月公既祥使告于

諸侯而伐衛及南陽先且居曰效尤禍也請君朝王臣

從師公朝王于溫先且居胥臣伐衛五月圍戚取之獲

孫昭子

昭子名未詳

衛告于陳陳曰更伐之衛孔達

衛大夫伐

我秋疆戚田三年

文二年

春秦伐我戰于彭衙秦師敗績

夏四月陽處父及魯公盟

我以不朝討魯魯公來使大夫盟以恥之

六月士穀盟諸侯于垂隴討衛故陳為衛請成于我執孔達以說冬先且居會諸侯大夫伐秦取汪及彭衙而

還四年

文三年

春會諸侯之師伐沈沈潰夏五月秦伐我

取王官及郊秋楚圍江先僕伐楚以救江冬以江故告于周王叔桓公陽處父伐楚以救江十二月魯公來公及魯公盟

陽處父之盟懼無禮于魯請改盟故

五年

文四年

春歸孔達于衛夏衛侯來拜曹伯來會正秋

公伐秦圍邢新城六年

文五年

冬陽處父聘于衛趙衰轅

枝先且居胥臣皆卒七年

文六年

春蒐于夷舍二軍

文公時作

五軍今舍二軍復三軍之制

使狐射姑將中軍趙盾佐之陽處父改

蒐于董謂趙盾能易中軍盾始為政秋八月公薨

左傳

謚曰襄在位七年

靈公

靈公名夷臯襄公大子母曰穆嬴襄公七年

文六年

薨靈

公少我以難故欲立長君當趙盾為政欲立公子雍狐

射姑曰不如立公子樂

雍樂並文公子

盾不可使先蔑士會如

秦逆雍射姑亦使召樂于陳盾殺諸郕秋九月狐射姑

使續鞠居

狐氏族

殺陽處父冬十一月殺續鞠居射姑奔

狄靈公元年

文七年

秦送公子雍穆嬴日抱大子以啼于

朝又抱以適趙氏責盾盾乃背先蔑而立大子是為靈

公盾禦秦師敗秦師于令狐先蔑士會奔秦秋八月趙

盾會諸侯

齊宋衛陳鄭許曹

盟于扈

靈公立故

二年

文八年

春歸匡戚

之田于衛且致公壻池

晉君女壻

之封自申至于虎牢之竟

夏秦伐我取武城秋八月襄王崩頃王立我以扈之盟

討魯

魯公後至

冬魯公子遂會趙盾盟于衡雍三年

文九年

春

賊殺先克

夷之蒐襄公將登箕鄭父先都使士穀梁益耳將中軍先克不可克又奔蒯得田故五人

作亂討其亂殺先都梁益耳三月殺士穀箕鄭父蒯得楚

伐鄭趙盾會諸侯之大夫救鄭不及楚師四年

文十年

春

伐秦取少梁夏秦伐我取北徵五年

文十一年

夏卻缺會魯

叔仲彭生于承筐

謀諸侯之從楚者

六年

文十二年

冬秦伐我取羈

馬我禦之于河曲秦師夜遁復侵我入瑕七年

文十年三年公

使詹嘉處瑕以守桃林之塞

備秦也

夏士會歸自秦冬十

二月魯公來朝公及魯公盟八年

文十年四年

春頃王崩匡王

立夏五月邾捷菑來奔六月趙盾會諸侯

魯宋陳衛鄭許曹

同

盟于新城

從楚者服且謀納邾捷菑

盾以諸侯之師八百乘納捷菑

于邾弗克納新城之盟蔡人不與九年

文十年五年

夏六月郤

缺以上軍下軍伐蔡戊申入蔡秋齊侵魯魯來告冬十

一月公會諸侯

宋衛蔡陳鄭許曹

盟于扈尋新城之盟且謀伐

齊齊人賂公故不克而還宋弒昭公十一年

文十七年春荀

林父會伐宋立文公而還夏六月公蒐于黃父復合諸侯于扈平宋也公不見鄭伯以為貳于楚鄭子家以書

告趙盾鞏朔遂行成于鄭晉鄭交質河曲之役

在文十二年

秦師將遁史駢請薄之趙穿胥甲父不可當軍門呼十

三年

宣元年

夏放胥甲父于衛而立胥克秋楚侵陳遂侵

宋趙盾救陳宋會諸侯

宋陳衛曹

于棗林伐鄭楚救鄭囚解

揚

大夫

我師乃還我欲求成于秦冬侵崇

小國名

以求成秦

弗與成我伐鄭十四年

宣二年

春秦伐我圍焦夏趙盾救

焦遂及諸侯之師

宋衛陳

侵鄭楚鬪椒救鄭盾去之公不

君厚歛以彫牆從臺上彈人而觀其辟丸也宰夫胹熊
蹯不熟殺之寘諸畚使婦人載以過朝趙盾士會諫不
聽盾驟諫公患之將攻盾盾遂自亡秋九月趙穿弑公

于桃園

左傳

說苑靈公造九層之臺費用千億曰敢諫者斬孫息
曰臣能累十三博碁加九雞子其上即以碁子置其

下加九雞子其上公曰危哉曰是不危也九層之臺
三年不成國用空虛鄰國謀議社稷一滅君何所望
公乃壞臺又曰孫息學悲歌引琴作鄭衛之音靈公
大惑琴清英有孫息鼓琴晉王傷心如雍門周事

謚曰靈在位十四年

成公

成公名黑臀文公少子其母周女也

史記

靈公十四年

宣二年

趙穿弑靈公趙盾使穿逆公子于周

而立之是為成公初麗姬之亂詛無畜羣公子自是晉

無公族及公即位乃宦卿之適子而為之田以為公族

又宦其餘子亦為餘子

餘子適子之母弟

其庶子為公行晉于

是有公族餘子公行冬十月匡王崩定王立成公元年

宣三年

春公伐鄭及邲鄭平士會入盟三年

宣五年

冬楚伐

鄭陳及楚平荀林父救鄭伐陳四年

宣六年

春趙盾及衛

侵陳秋赤狄伐我圍懷及邢邱五年

宣七年

夏赤狄侵我

取向陰之禾鄭及我平冬公會諸侯

魯宋衛鄭曹

盟于黑壤

周王叔桓公臨之以謀不睦六年

宣八年

春白狄及我平

夏會狄伐秦冬陳及我平七年

宣九年

秋九月公會諸侯

宋衛

鄭魯

于扈陳侯不會荀林父以諸侯之師伐陳公薨于

扈左

謚曰成在位七年

尚史卷十

欽定四庫全書

史部

尚史卷十一

編修臣錢樾覆勘

總校官檢討臣何思鈞

史記卷一百一十五

尚史卷十二

世家四

錄白旗漢軍李錯撰

晉世家下

景公

景公名孺

史作據

成公子成公七年

宣九年

薨公即位是年

冬十月楚伐鄭卻缺救鄭鄭敗楚師景公元年

宣十年

夏

六月鄭及楚平我及諸侯之師

宋衛曹

伐鄭取成而還冬

楚伐鄭士會救之諸侯之師戍鄭二年

宣十一年

秋公會狄

于櫓函

東狄疾赤狄之役遂服于晉

三年

宣十二年

春楚圍鄭克之鄭及

楚平夏六月我師救鄭及河楚乘我軍敗我師于邲冬

先穀及宋衛曹同盟于清邱四年

宣十三年

秋赤狄伐我及

清先穀召之也冬討邲之敗與清之師殺先穀盡滅其

族五年

宣十四年

夏公伐鄭告于諸侯蒐馬而還楚圍宋六

年

宣十五年

春宋告急于我公欲救之伯宗不可乃止使解

揚如宋夏六月荀林父敗赤狄于曲梁滅潞殺鄭舒秋

七月秦伐我次于輔氏公治兵于稷以畧狄土立黎侯

而還

狄奔其地故復立之

及雒魏顆敗秦師于輔氏公使趙同獻

狄俘于周七年

宣十六年

春士會帥師滅赤狄甲氏及留吁

鐸辰三月獻狄俘公請于王命士會將中軍且為大傅

先是周王子扎殺召伯毛伯

在十五年

夏王室復亂王孫蘇

來奔我復之冬使士會平王室八年

宣十七年

春公使卻克

徵會于齊齊頃公使婦人觀之婦人笑于房卻克怒夏

公會諸侯

魯衛曹邾

同盟于斷道辭齊人執其使九年

宣十八年

春公及衛伐齊及齊頃公盟于緡齊公子彊為質于我

我師還十年

成元

春使詹嘉平戎于王單襄公來拜成

十一年

成二

齊伐魯敗衛于新築魯衛皆來乞師夏六

月公使卻克會魯衛曹之師及齊師戰于鞌齊師敗績

我師入自邱輿擊馬陘齊頃公使國佐賂以紀甌玉磬

與地許之平秋七月及國佐盟于爰婁使齊歸魯汶陽

之田冬十一月公使鞏朔獻齊捷于周十二年

成三

春

公會諸侯

魯宋
衛曹

伐鄭遂東侵鄭鄭敗我師于邱輿夏魯

公來拜汶陽之田秋卻克及衛伐廐咎如冬十一月使

荀庚如魯聘及魯盟十二月作六軍韓厥趙括鞏朔韓

穿荀騅趙旃皆為卿

賞鞏之功也

齊侯來朝十三年

成四年

夏

魯公來冬鄭伐許我救許伐鄭取汜祭十四年

成五年

春

放趙嬰齊于齊

通于趙朔妻莊姬故

夏梁山崩秋八月趙同及鄭

伯盟于赤棘冬十一月定王崩簡王立十二月公會諸

侯

魯齊宋衛鄭曹邾杞

同盟于蟲牢

鄭服也

十五年

成六年

春鄭伯來

拜成三月伯宗夏陽說及衛鄭侵宋

蟲牢之盟諸侯謀復會宋公辭故

夏四月遷于新田冬魯季孫行父來賀遷也楚伐鄭禦

書救鄭遇于繞角楚師還我師遂侵蔡楚救蔡禦諸桑

隧我師還侵沈獲沈子揖初十六年

成七年

春鄭伯來且

拜師秋楚伐鄭公會諸侯

魯齊宋衛曹莒邾杞

救鄭八月同盟于

馬陵

尋蟲牢盟且莒服故

冬衛孫林父以戚來奔衛定公來我反

戚十七年

成八年

春使韓穿如魯言汶陽之田歸之于齊

公羊鞅之戰齊師大敗齊侯歸弔死視疾七年不飲

酒不食肉晉侯聞之曰嘻奈何使人之君七年不飲

酒不食肉請皆反其侵地

欒書侵蔡遂侵楚獲申驪

楚大夫

夏六月殺趙同趙括

燕姬

諸故

以其田與祁奚韓厥諫乃立趙武而反其田冬士燮

如魯聘會魯齊邾伐邾十八年

成九年

春正月公會諸侯

魯齊宋衛

同盟于蒲

歸汶陽之田諸侯貳于晉晉懼會蒲以尋馬陵之盟

二月鄭

鄭曹莒杞

伯會楚公子成于鄧秋鄭伯來我執諸銅鞮欒書伐鄭

鄭使伯蠆

人行

成殺之楚侵陳以救鄭冬十一月秦人

白狄伐我公釋楚鍾儀使歸求成十二月楚使公子辰

欽定四庫全書

尚史
卷十一

四

來報鍾儀之使請修好結成十九年

成十年

使糴茂如楚

夏四月公有疾五月立太子州蒲以為君而會諸侯

魯齊

宋衛

伐鄭

歸鄭伯以
求成也

六月公薨秋魯公來止之使送葬

冬葬景公

左傳

謚曰景在位十九年

厲公

厲公名州蒲景公太子也厲公元年

成十一年

春使卻犇如

魯聘及魯盟夏魯季孫行父來報聘且涖盟冬宋華元

宋大夫來合晉楚之成秦晉為成會于令狐秦伯不肯涉

河使史顓

秦大夫

盟公于河東卻犇盟秦伯于河西秦伯

歸而背成二年

成十年

春周周公來奔夏五月士燮會楚

公子罷許偃

並楚大夫

盟于宋

華元合成故

公會魯公衛侯于瑣

澤鄭伯亦來聽成狄侵我狄敗狄于交剛卻至如楚聘

且涖盟冬楚公子罷來聘且涖盟十二月公及楚公子

罷盟于赤棘三年

成十年

春使卻乞如魯乞師

將伐秦

夏四

月公使呂相

魏錡子

絕秦五月公會諸侯

魯齊宋衛鄭曹邾滕

伐秦

戰于麻隧秦師敗績獲秦成差及不更女父

成差女父並秦大夫

不更爵名

四年

成十年

春衛定公來公強見孫林父定公不可

夏定公歸公使卻犇送林父卒見定公而復之

成七年衛定公

惡孫林父林父奔晉

五年

成十年

春三月公會諸侯

魯衛鄭曹

同盟于戚

執曹成公歸于京師

曹宣公卒公子負芻殺其大子而自立故見討負芻即成公

冬

十月殺伯宗及欒弗忌

晉賢大夫

伯州犇奔楚十一月士燮

會諸侯之大夫

魯齊宋衛鄭邾

會吳于鍾離六年

成十年

鄭叛晉

公將伐鄭使欒黶如魯卻犇如衛遂如齊皆乞師夏五

月我師起楚救鄭六月晉楚戰于鄢陵楚子鄭師敗績

秋公會諸侯

魯齊衛
宋鄭

于沙隨謀伐鄭

鄭未
服故

七月公會周

尹武公及諸侯伐鄭荀罃以諸侯之師侵陳遂侵蔡諸

侯遷于潁上鄭宵軍之宋齊衛皆失軍曹人請于我我

歸曹成公九月執魯季孫行父于苕邱既而許魯平赦

行父冬十二月卻犇及行父盟于扈公使卻至獻楚捷

于周七年

成十
七年

春正月鄭侵我虛滑衛救我夏五月公

會周尹武公單襄公及諸侯

魯宋衛
曹齊鄭

伐鄭六月同盟于

柯陵楚救鄭諸侯還秋九月荀瑩如魯乞師冬公會諸
侯伐鄭冬十月圍鄭楚救鄭諸侯還公侈多外嬖欲盡
去羣大夫而立其左右胥童怨郤氏曰必先三郤族大
多怨十二月殺郤錡郤犇郤至胥童以甲劫欒書中行
偃于朝公辭曰大夫無辱其復職位公遊于匠麗氏欒
書中行偃執公閏月殺胥童明年使程滑弑公葬之于
翼東門之外以車一乘

諸侯葬七乘言不以
君禮葬也

左傳

謚曰厲在位八年

悼公

悼公名周其大父捷襄公少子也不得立號為桓叔桓

叔最愛桓叔生惠伯談談生公子周

史記世家

厲公八年

成十八年

春正月厲公被弑樂書中行偃使荀息

士訪逆公子周于京師而立之生十四年矣大夫逆于

清原公子曰孤始願不及此雖及此豈非天乎抑人之

求君使出命也立而不從將安用君二三子用我今日

否亦今日共而從君神之所福也對曰羣臣之願也敢

不唯命是聽盟而入館于伯子同氏辛巳朝于武宮遂
不臣者七人二月乙酉朔公即位始命百官施舍已責
逮鰥寡振廢滯匡乏困救災患禁淫慝薄賦斂宥罪戾
節器用時用民欲無犯時凡六官之長

大國三卿晉置
六卿為軍帥故

曰六官皆民譽也舉不失職官不易方爵不踰德師不陵

正旅不偪師民無謗言魯公來朝夏六月士句如魯聘

拜朝也杞桓公來朝初魚石

宋大夫

叛宋楚取宋彭城以封

魚石宋圍彭城冬十一月楚救彭城伐宋宋來告急公

救宋遇楚師于靡角之谷楚師還士魴如魯乞師十二

月公會諸侯

宋衛邾齊魯

同盟于虛打謀救宋宋辭諸侯請

圍彭城元年

襄元年

春正月樂廩會諸侯之大夫圍彭城

彭城降我齊不會彭城我以為討齊太子光為質于我

夏五月韓厥荀偃帥諸侯之師伐鄭入其俘敗其徒兵

于洧上魯齊曹邾杞次于鄆以待我師我師自鄆以鄆

之師侵楚焦夷及陳公及衛獻公次于戚以為之援秋

九月簡王崩靈王立冬荀瑩如魯聘二年

襄二年

夏六月

我師及宋師衛甯殖侵鄭秋七月荀瑩會諸侯之大夫

魯宋衛
曹邾

于戚謀鄭冬復會于戚遂城虎牢以偪鄭鄭人

乃成三年

襄三
年

春魯公來朝夏四月公及魯公盟于長

檣我將合諸侯使士匄如齊乞盟乃盟于邲外六月公

會周單武子及諸侯

魯宋衛鄭
曹邾齊

同盟于雞澤使荀會逆

吳子于淮上吳子不至陳使袁僑如會求成公使和組

父告于諸侯秋及陳袁僑盟冬荀瑩伐許

不會雞
澤故

四年

襄四
年

夏魯叔孫豹來聘冬魯公來聽政

受貢賦多
少之政

請屬

鄫許之無終子

山戎國名

嘉父使因魏絳納虎豹之皮以請

和諸戎公曰不如伐之魏絳曰和戎有五利焉

事見絳傳

公

說使絳盟諸戎五年

襄五年

靈王使王叔陳生愬戎于我

戎陵越周室故

我執陳生士魴如京師言陳生貳于戎夏魯叔

孫豹覲鄫世子巫于我吳子使壽越來請聽諸侯之好

秋九月公會諸侯

魯宋陳衛鄭曹莒邾滕薛齊吳鄫

于戚會吳且命戍

陳冬諸侯戍陳楚伐陳公會諸侯

魯宋衛鄭曹齊

于城棣以救

之六年

襄六年

莒滅鄫以鄫故討魯魯季孫宿來見且聽

命七年

襄七年

冬楚圍陳十二月公會諸侯

魯宋陳衛曹莒邾

于

鄆謀救陳陳侯逃歸

陳畏楚故

八年

襄八年

春魯公來朝夏五

月公會鄭伯及諸侯之大夫

魯齊宋衛邾

于邢邱以命朝聘

之數冬士匄如魯聘九年

襄九年

夏魯季孫宿來聘秋饑

秦侵我鄭及楚平冬十月公會諸侯

魯宋衛曹莒邾滕薛杞小邾齊

伐

鄭鄭成十一月同盟于戲將盟晉為載書曰既盟之後

鄭國不唯晉命是聽而有異志者有如此盟鄭曰既盟

之後鄭國不唯有禮與彊可以庇民者是從而異志

者亦如之我不得志于鄭以諸侯復伐之次于陰口而還公歸謀所以息民魏絳請施舍輸積聚以貸自公以下苟有積者盡出之國無滯積亦無困人公無禁利亦無貪民祈以幣更賓以特牲器用不作車服從給行之期年國乃有節三駕而楚不能與爭

三駕謂十年師于牛首十一年師于

向其秋觀兵于鄭

十年

襄十年

春公會諸侯

魯宋衛曹莒邾滕薛杞小邾齊

會吳

于祖遂滅偃陽

姒姓國通吳晉之道也

以偃陽子歸獻于武宮謂

之夷俘

諱俘中國故謂之夷

夏六月荀瑩伐秦

報前年侵也

秋公會諸

侯

魯宋衛曹莒邾
齊滕薛杞小邾

伐鄭師于牛首城虎牢而伐之鄭及

我平

三駕之一

楚救鄭諸侯之師還鄭而南至于陽陵楚師

不退師遂進與楚師夾潁而軍鄭宵涉潁與楚人盟欒

黶欲伐鄭荀罃不可諸侯之師還侵鄭北鄙而歸周王

叔陳生與伯輿爭政公使士匄平王室王叔陳生來奔

十一年

襄十一年

夏四月公會諸侯

魯宋衛曹齊
邾滕薛杞小邾

伐鄭六

月圍鄭觀兵于南門鄭懼乃行成秋七月同盟于亳盟

載書曰凡我同盟毋蕝年毋壅利毋保姦毋留隱救災

患恤禍亂同好惡獎王室或問茲命司慎司盟名山名

川羣神羣祀先王先公七姓十二國之祖明神殛之俾

失其民隊命亡氏陪其國家

三駕之二

楚秦伐鄭鄭逆之伐

宋秋九月諸侯悉師復伐鄭觀兵于東門鄭行成趙武

入盟鄭伯鄭子展出盟公冬十二月會于蕭魚赦鄭囚

皆禮而歸之納斥侯禁侵掠

三駕之三

秦伐我以救鄭士魴

御之戰于櫟我師敗績十二年

襄十二年

夏士魴如魯聘且

拜師冬魯公來朝十三年

襄十三年

蒐于緜楚敗吳吳來告

敗十四年

襄十四年

春正月士匄會諸侯之大夫

魯齊宋衛鄭曹莒邾

滕薛杞小邾

會吳于向謀楚故夏諸侯之大夫從公伐秦公

待于竟使六卿帥諸侯之師以進至于櫟林而還師歸

舍新軍

周為六軍諸侯三軍可也公以新軍無帥故舍之

衛出其君獻公立公

孫剽冬士匄會諸侯之大夫

魯宋衛鄭曹邾

于戚謀定剽十五

年

襄十五年

冬十一月公薨

左傳

謚曰悼在位十五年

平公

平公名彪悼公子悼公薨公即位元年

襄十六年

春正月葬

悼公鄭子蟠來送葬既葬改服修官烝于曲沃三月公

會諸侯

魯宋衛鄭曹莒
邾薛杞小邾

于溴梁先是莒邾伐魯魯來告

以魯故執邾宣公莒犁比公且曰通齊楚之使公與諸

侯宴于溫荀偃及諸侯之大夫盟夏五月荀偃會伐許

許請遷大
夫不可故

次于函氏荀偃禦厲帥師伐楚戰于湛阪楚

師敗績遂侵方城之外復伐許而還冬魯叔孫豹來聘

三年

襄十八年

夏執衛行人石買于長子執孫蒯于純留

衛取

曹重邱曹
告于我故

齊伐魯冬十月公會諸侯

魯宋衛鄭曹莒
邾滕薛杞小邾

于

魯濟同伐齊十一月入平陰克京茲克邾圍盧弗克十

二月遂圍齊東侵及濰南及沂四年

襄十
九年

春諸侯還自

沂上盟于督揚我執邾悼公

伐魯
故

遂次于泗上取邾田

自鄆水歸之于魯二月樂鮒從衛伐齊魯季孫宿來拜

師夏五月士匄侵齊及穀聞齊侯卒乃還冬十一月及

齊平盟于大隧魯叔孫豹會士匄于柯

齊晉平
魯懼故

五年

襄二

十夏六月公會諸侯

魯齊宋衛鄭曹莒
邾滕薛杞小邾

盟于澶淵

齊成
故

六年

襄二十一年

春魯公來拜師及取邾田秋欒盈出奔楚

盈母欒祈與其老州賓通祈懼討
愬諸士句曰盈將為亂士句逐之

冬十月公會諸侯

魯齊

宋衛鄭
曹莒邾

于商任

銅欒氏也

七年

襄二十二年

冬公會諸侯

魯齊宋
衛鄭曹

莒邾滕薛
杞小邾

于沙隨

復銅欒氏也

八年

襄二十三年

夏欒盈復入晉

乘公門士句禦之欒氏退奔曲沃我圍之秋齊伐我取朝歌為二隊入孟門登大行張武軍于熒庭戍邶郕封

少水以報平陰之役八月魯叔孫豹救我次于雍榆冬

十月克曲沃殺欒盈盡殺其族九年

襄二十四年

春魯叔孫

豹來

賀克樂氏

夏五月秦晉成韓起如秦涖盟秦伯車來涖

盟秋八月公會諸侯

魯宋衛鄭曹莒邾滕薛杞小邾

于夷儀將伐齊水

不克冬楚伐鄭以救齊諸侯還救鄭楚子自棘澤還鄭

公孫揮來聘十年

襄二十五年

夏五月公濟自泮會諸侯

前諸

侯于夷儀伐齊以報朝歌之役齊請成許之公使逆衛

獻公

獻公于襄十四年奔齊

使衛與之夷儀秋七月同盟于重邱

齊成

鄭伐陳八月鄭國僑來獻捷冬十月鄭伯來拜陳

之功十一年

襄二十六年

春秦伯弟鍼來修成二月衛獻公

復歸于衛衛孫林父以戚來奔衛侵戚殺我茅氏戍三

百人夏荀吳如魯聘

將討衛召公會

六月趙武會魯公鄭良霄

宋人曹人于澶淵討衛疆戚田執甯喜衛獻公來執而

囚之秋七月齊侯鄭伯來

為獻公故

鄭伯歸使國夏來聘冬

十二月衛歸衛姬于我乃釋獻公韓起聘于周十二年

襄二十七年

夏趙武會諸侯之大夫

魯楚蔡衛陳鄭許曹

于宋秋七月

盟于宋九月楚薳罷來涖盟十三年

襄二十八年

夏諸侯

齊陳

蔡北燕杞胡沈白狄

來朝

宋之盟故

秋八月魯仲孫羯來告如楚九月

鄭游吉來告朝楚冬十一月靈王崩景王立十四年

襄二

十九年

夏六月荀盈會諸侯之大夫

魯齊宋衛鄭曹莒滕薛小邾

城杞

公杞出也故治杞

士鞅如魯聘女叔齊如魯治杞田冬魯仲孫

羯來

報士鞅

十五年

襄三十五年

春鄭伯來夏五月王殺其弟佞

夫王子瑕來奔冬十月趙武會諸侯之大夫

魯齊宋衛鄭曹莒邾

滕薛杞小邾

于澶淵宋災故以謀歸宋財既而無歸十六年

襄三十一年

夏六月鄭伯來冬十一月吳屈狐庸來聘

通吳晉之

也路十七年

昭元年

春正月趙武會諸侯之大夫

魯楚齊宋衛陳蔡鄭

許曹于虢尋宋之盟夏四月王使劉定公勞趙武于潁五

月秦伯之弟鍼來奔六月荀吳敗狄于大鹵公有疾鄭公孫僑來聘冬十一月楚子麋被弑王子比來奔十八

年昭二年春韓起如魯聘遂如齊納幣為公聘少姜自齊

聘于衛夏四月韓須如齊逆女齊陳無宇送女致少姜

謂無宇非卿執諸中都魯叔弓來聘報韓起也秋七月少姜

卒魯公來及河公辭曰非伉儷也乃還冬十月齊陳無

宇歸十九年昭三年春正月鄭游吉來送葬齊請繼室于

我許之夏四月鄭伯來五月韓起如齊逆女秋七月鄭

罕虎來

賀夫

二十年

昭四年

春正月楚椒舉來求會諸侯

許之遂請昏亦許之二十一年

昭五年

春楚屈生遂罷來

逆女公送女于邢邱鄭伯會公于邢邱魯公來韓起如

楚送女夏莒牟夷以牟婁及防茲奔魯莒愬于我我欲

止魯公士鞅諫乃歸魯公二十二年

昭六年

夏魯季孫宿

來拜莒田

謝受莒邑不見討

六月楚公子棄疾來

報韓起也

冬十一

月齊侯來請伐北燕許之二十三年

昭七年

春二月宋罕

朔來奔夏四月如魯治杞田為杞取成

成魯邑

鄭國僑來

聘秋八月衛襄公卒使士鞅如衛弔且反戚田二十四

年

昭八年

春石言于魏榆

晉地

公問于師曠于是公方築虎

祈之宮師曠對曰作事不時怨讟動于民則有非言之物而言今宮室崇侈怨讟並作石言不亦宜乎夏四月

魯叔弓來賀虎祈鄭伯來亦賀虎祈二十五年

昭九年

春

周甘人與閭嘉

閭縣大夫

爭閭田梁丙張趯

並晉大夫

率陰戎伐

潁王使辭于我

辭責讓也

適王有姻喪乃使趙成如周弔且

致閭田與禚反潁俘夏六月荀盈卒使荀躒

盈之子

佐下

軍二十六年

昭十年

秋七月公薨

左傳

謚曰平在位二十六年

昭公

昭公名夷平公子平公二十六年

昭十年

薨公即位秋七

月鄭伯來辭之游吉來弔九月葬平公諸侯之大夫

魯齊

宋衛鄭許曹莒
邾滕薛杞小邾

來會葬欲因見新君昭公使羊舌肸辭

之曰大夫之事畢矣而又命孤孤斬焉在衰絰之中其

以嘉服見則喪禮未畢其以喪服見是重受弔也大夫

將若之何昭公元年

昭十年

楚圍蔡秋韓起會諸侯之大

夫

魯齊宋衛
鄭曹杞

于厥慙謀救蔡使狐父

晉大夫

請蔡于楚弗

許韓起會周單子于戚二年

昭十年

夏齊侯衛侯鄭伯來

朝魯取郟莒愬于我我以平公之喪故未之治至是魯

公來辭之公子慙來夏六月荀吳假道于鮮虞遂入昔

陽

肥國
都

滅肥以肥子緜臯歸冬伐鮮虞三年

昭十年

我成

虎祁諸侯朝而歸者皆有貳心為取郟故將以諸侯討

魯乃徵會告于吳秋公將會吳子于良水道不可吳子

還七月治兵于邾公會周劉子及諸侯

魯齊宋衛鄭曹
莒邾滕薛杞小

邾于平邱以莒邾邲愬故辭魯公八月同盟于平邱魯公

不與盟執魯季孫意如以歸荀吳侵鮮虞大獲而歸冬

十月魯公來使士彌牟辭之于河歸魯季孫意如五年

昭十五年秋荀吳伐鮮虞圍鼓克之以鼓子戴鞅歸冬魯公

來荀躒如周葬穆后六年

昭十六年

春三月韓起聘于鄭秋

公薨

左傳

謚曰昭在位六年

頃公

頃公名去疾昭公子昭公六年

昭十六年

薨公即位冬十月

葬昭公魯季孫意如來會葬頃公元年

昭十七年

秋九月荀

吳帥師滅陸渾之戎陸渾子奔楚五年

昭二十一年

夏士鞅

如魯聘宋華亥叛宋冬十一月荀吳會諸侯之大夫

齊衛

曹救宋魯公來及河鼓叛我故辭之六年

昭二十二年

夏四

月景王崩悼王立六月荀吳襲鼓滅之以鼓子戴鞅歸

使涉佗

晉大夫

守之周王子朝攻悼王王室亂冬十月籍

談荀躒帥九州之戎及焦瑕溫原之師納王于王城十

一月悼王崩敬王立十二月籍談荀躒賈辛司馬督師

師次于社閏月箕遺樂徵右行詭濟師取前城軍其東

南王師伐京

子朝所居

毀其西南七年

昭二十三年

春正月我師

及王師圍郊郊鄆潰我師在平陰王師在澤邑王使告

間我師還魯取邾師邾愬于我我以為討魯叔孫婁來

執之夏六月周尹氏立王子朝冬十月魯公來及河有

疾而復八年

昭二十
四年

春二月歸魯叔孫婼三月公使士

彌牟涖問周故辭王子朝不納其使夏六月鄭伯來乃

徵會于諸侯謀納王九年

昭二十
五年

夏趙鞅會諸侯之大

夫

魯宋衛鄭曹
邾滕薛小邾

于黃父令輸王粟具戍人曰明年將納

王十年

昭二十
六年

夏四月周單子來告急秋七月王次于

滑荀躒趙鞅帥師納王使女寬守闕塞冬十月王起師

于滑十一月我師克鞏王子朝奔楚王入于成周使成

公般

晉大
夫

戍周而還十一年

昭二十
七年

春吳公子札來聘

秋士鞅及諸侯之大夫

宋衛曹邾滕

會于扈令戊周且謀納

魯公

魯昭公伐季氏不克出居鄆事見二十五年

冬十二月籍秦致諸侯之

戍于周十二年

昭二十八年

春魯公來請逆于我逆著于乾

侯夏六月殺祁盈及楊食我秋韓起卒十三年

昭二十九年

冬趙鞅荀寅帥師城汝濱遂鑄刑鼎十四年

昭三十年

夏六

月公薨

左傳

謚曰頃在位十四年

定公

定公名午頃公子頃公十四年

昭三
十年

薨公即位秋八月

葬頃公鄭游吉來弔且送葬元年

昭三十
一年

春正月公將

以師納魯公召魯季孫意如既而不果納二年

昭三十
二年

冬十一月魏舒韓不信如京師合諸侯之大夫

魯齊宋
衛鄭曹

莒薛杞
小邾

于狄泉尋盟

平邱
之盟

且令城成周三年

定元
年

春城

成周宋不受功執宋仲幾以歸三月歸諸京師城三旬

而畢乃歸諸侯之戍五年

定三
年

春正月魯定公來至河

乃復秋九月鮮虞人敗我師于平中獲觀虎六年

定四
年

春三月公會周劉子及諸侯

魯宋蔡衛陳鄭許曹莒
邾頓胡滕薛杞小邾齊于

召陵侵楚夏五月諸侯盟于臯鼬秋七月士鞅及衛孔

圉伐鮮虞七年

定五年

冬士鞅圍鮮虞周儋翩

王子朝
餘黨

因

鄭人以作亂鄭于是伐周胥靡八年

定六年

春二月魯侵

鄭取匡夏季孫斯來獻鄭俘仲孫何忌來報夫人之幣

六月閻沒戍周且城胥靡秋八月執宋行人樂祁犂

趙與

鞅私飲酒

于繇上故

冬十二月王辟儋翩之亂處于姑蘓九年

定七年

年秋齊侯鄭伯盟于鹹鄭始叛我齊侯衛侯盟于沙衛

始叛我冬十一月周單子劉子逆王籍秦送王入于王

城十年

定八年

春歸宋樂祁犁卒于大行乃止其尸以求

成夏齊伐魯士鞅趙鞅荀寅救魯魯公會我師于瓦我

師將盟衛侯于鄆澤涉佗成何辱衛侯

怒其與齊盟故

衛叛我

我請改盟弗許秋士鞅會周成桓公侵鄭遂侵衛十一

年

定九年

春宋向巢來盟且逆樂祁犁之尸夏魯陽虎自

宋來奔適趙氏秋齊為衛故伐我夷儀我敗之于中牟

獲齊車五百乘十二年

定十年

春魯及齊平魯始叛我夏

趙鞅圍衛討衛叛故執涉佗求成于衛衛不許遂殺涉

佗成何奔燕十五年

定十三年

春齊侯衛侯使師伐我河內

趙鞅殺邯鄲午趙稷

邯鄲午之子

以邯鄲叛夏六月籍秦圍

邯鄲秋七月荀寅士吉射伐趙鞅鞅奔晉陽晉人圍之

冬十一月荀躒韓不信魏曼多奉公以伐荀寅士吉射

荀寅士吉射奔朝歌十二月趙鞅歸十六年

定十四年

夏圍

朝歌魯齊衛謀救范中行氏析成鮒小王桃甲

二子晉大夫范

中行氏之黨

率狄師以襲我戰于絳中不克而還冬十二月

敗范中行氏之師于潞又敗鄭師范氏之師于百泉十

八年

哀元

夏四月齊侯衛侯救邯鄲圍五鹿秋八月齊

侯衛侯會于乾侯救范氏魯齊衛鮮虞伐我取棘蒲冬

十月趙鞅伐朝歌十九年

哀二

衛靈公卒夏六月趙鞅

納衛大子蒯聵于戚秋八月齊人輸范氏粟鄭人送之

趙鞅禦之戰于鐵大敗鄭師獲齊粟千車二十年

哀三

冬十月趙鞅圍朝歌荀寅奔邯鄲二十一年

哀四

秋七

月齊衛救范氏圍五鹿九月趙鞅圍邯鄲邯鄲降荀寅

奔鮮虞趙稷奔臨齊弦逆之遂墮臨國夏伐我取邢

任欒郤逆時陰人孟壺口

八邑並晉地

會鮮虞納荀寅于栢

人二十二年

哀五年

春圍栢人荀寅士吉射奔齊夏趙鞅

伐衛

助范氏故

圍中年二十三年

哀六年

春伐鮮虞

治范氏之亂也

二

十四年

哀七年

春魏曼多帥師侵衛二十七年

哀十年

夏趙

鞅帥師伐齊取犁及轅毀高唐之郭侵及賴而還三十

年

哀十三年

夏公會周單平公魯公及吳子于黃池秋七月

盟吳先我三十一年

哀十四年

秋趙鞅帥師伐衛三十二年

哀十
五年 秋趙鞅帥師伐衛冬公伐鄭三十四年 哀十
七年 夏六

月趙鞅圍衛齊救衛乃還冬十月復伐衛衛出莊公而

與我平我立襄公之孫般師而還三十五年 哀十
八年 冬敬

王崩 左傳在哀
十九年 元王立 左
三十七年 哀二
十年 公薨 史
記

謚曰定在位三十七年

出公 以下
戰國 哀公 懿公 幽公 烈公 孝公

靜公

出公名鑿定公子定公薨公即位出公三年 哀二十
三年 夏

六月荀瑤伐齊戰于犂邱齊師敗績四年

哀二十四年夏四

月公將伐齊如魯乞師魯臧石會之取廩邱六年

哀二十六年

年元王崩定王立七年

哀二十七年

夏四月荀瑤伐鄭齊救

鄭瑤還十一年

悼四年

荀瑤圍鄭

左傳

十七年荀瑤與趙韓魏共分范中行地以為邑公怒告

齊魯欲以伐四卿四卿恐反攻公公奔齊道死

紀年出公十一年晉河絕于扈十三年荀瑤城南梁

出公在位十八年荀瑤立昭公曾孫忌為晉君是為哀

公

晉世家在悼十七年又云昭公少子雍生忌忌善知
伯蚤死立忌子驕為君是為哀公年表出公十八年
次哀公忌二年次懿公驕十七年紀年出公二十三
年奔楚乃立昭公之孫是為敬公系本昭公生札桓
公子雍雍生忌忌生懿公驕 諸說不一按晉世家
昭公曾孫驕是為哀公哀公十八年卒子幽公柳立
是驕即哀公而無懿公趙世家又云驕是為懿公史

說自牴牾今姑從年表

哀公大父雍昭公少子也號為戴子

世本作桓子雍注云戴子

戴子孫哀公忌哀公二年薨謚曰哀荀瑤欲盡并晉未
敢乃立哀公子驕為君是為懿公當是時晉國政皆決
荀瑤懿公不得有所制荀瑤遂有范中行地最彊懿公
二年趙無恤韓虎魏駒共殺荀瑤盡并其地

紀年在出公二十二年 按年表出公十八年加哀

公二年懿公二年適當出公二十二年

十四年定王崩哀王立弟叔弒哀王自立是為思王
子嵬殺叔自立是為考王十七年公薨謚曰懿子幽公
柳即位

世本懿公生幽公柳紀年敬公卒子幽公立

幽公之時晉畏

畏懼也言衰弱也

反朝韓趙魏之君獨有絳曲

沃餘皆入三晉

紀年幽公七年晉大旱地生鹽九年丹水出反相擊

十二年考王崩威烈王立十五年魏文侯斯初立

紀年在敬公十八年

十八年幽公淫婦人夜竊出邑中盜殺幽公

紀年夫人秦嬴賊公于高寢之上

謚曰幽魏斯以兵誅晉亂立幽公子止是為烈公

系本幽公生烈成公止年表魏誅幽公立其弟止紀

年烈公四年趙氏城平邑五年田公子居思伐趙鄙

圍平邑十年田盼及邯鄲韓舉戰于平邑獲韓舉取

平邑新城

烈公十七年王賜趙籍韓虔魏斯皆命為諸侯

晉世家在烈公十九年今在十七年者因前增哀公之二年故上縮二年

十八年威烈王崩安王立二十七年公薨謚曰烈子孝公頎立

系本孝公頎欣紀年以孝公為桓公韓子有晉桓侯孝公九年魏武侯初立襲邯鄲不勝而去十七年公薨

諡曰孝

紀年桓公二十年趙成侯韓共侯遷桓公于屯留

子靜公俱酒立是年安王崩烈王立靜公二年魏武侯
韓哀侯趙敬侯滅晉後而三分其地晉公遷為家人晉

絕不祀

史記

贊曰宣王立魯戲卒自誅命不順故也曲沃奪宗僖王
不誅而以賂成之周之衰自衰已吾聞之以尊履卑天
之經也小不加大王之紀也苟反之不可以國晉既反

之象之者何誅焉然則三家之分君子怨僖而威烈是責不亦後乎獻去桓莊文夷惠懷刻薄寡恩祇以成霸其量固不遠矣雖然文有踐土河陽之會悼有雞澤亳之盟定天位獎王室不有霸者周替久矣是故聖人出則霸者奴王迹息則桓文趨傷無援也

尚史卷十一